

UgguagutiKannimik kiggatotiKannik kavamanganit Niufulami Lapatuarimilu Inunnut ilinniaviliattitaumajunut aullatitautlutik ilinniavinut Niufulami Lapatuarimilu

Sulijutsasiannikut nakutsavunga katiutigunnagata ullumi ikKanallagittumik pitjutiKlluta

KujaliutiKallagikKunga anigotjaumalittunik ilinniaviliattitaumajut, ilangit, nalligijangit, KaikKujaumajuillu tamaungagunnamata tusagasuamut ugguagutiKannimik

Piggovunga katiKatiKasongummat AnajukKâsuak Nunatsiavummi, Johannes Lampe.

uKautigigumammijakka ikajulaunningit Nunatsiavut kavamanga, Inuit nunalingit, kamajellu pannaigutiKalittiluta tatsuminga ugguagutigijattinik.

UKautigigumammijaga tamanna pigiasijaulaunninga pilukattauningit Inuit tukisinattuk ilinniaviliattitautlutik uKumaitsasimalaunningit tutsimannatolauningalu sivunitta ilusiviningit Niufulami Lapatuarimilu.

Pijutsaugatta uKautigillugit Kângiutisimajut, isumagijatsagimmijavut uKumaitsalaunningit Inuit sugusingit, uKatsiagunnalutalu taimâk pilukattausimanningit puigujaugatsaungitut pigiallataugatillu.

Morâviat misiuningit Ânniasiutiligijellu (International Grenfell Association) sakKititsilauttut ilinniavinik tijummiuvitsanillu NunaKakKâsimajuit suguset aivitsanginnik. TugâgutiKasimajut ilinniatitsigiamik NunaKakKâsimajuit sugusinginnik Lâpatuarimi, ukunangat nunannit, Hebron, Hopedale, Makkovik, Nain, Nutâk, Postville, Rigolet.

Akigattugatsaungituk Inuit sugusingit ilinniaviliattitaumalauttut ânnititausimalauttut uKumaitsatitautlutillu aullatitaummata nunaminut ilamminillu. Akuniugiangulittillugu, uKausituKamminik puiguvallialilauttut, ilugusimminik, piusituKamminillu. Nalligijatit, angajukKât (anânait/atâtaït), nukâsutit/ angijuatsutit, Kimattaumajut angiggamini ippiniagutiKalaummijut tamatsumingatsainak aviutijaummata kingommatalu.

Ilanginnut, kingomannik uKumaittualosimajuk. Unuttuit suguset kamagijautsiasimalaungitut. Ilangit ikKaumautiKajut ânnititaunnimik uivisâttaunimillu. Tâvatuak , ilonnatik suguset puigulinniminik uKausituKamminik, ilamminik katingaKatiKannimik, nunamminik, ilugusimminillu ippiniagutigesimajuvinet.

JârikKutusigiammata taikkua suguset, angiggaminut utisimajut ilamminut nunaminullu Kaujimalauttaminut. Nalunangitolauttut. UKumailuasimajuk ilinniaKattasimajunut tigumiannikut uKumaittunik pilukattauKattasiminnimmut – kitsanikkut, pilukattaunikkut, uivisattausimanikkut, inoKatinginnit ilamminullu siammattaumanikkut, isumangatigut timnitigullu Kanuigatik.

KaujimautiKajugut taimâk pititaumannik, ilugguset, piustuKaillu ilinniatitaumannik jârikittoninginni piguvalliasimajut Kaujisanninginni, asiguvalliatitamajuk pitsiagasugaluattunut, tammautaumajuk.

ÂkKigasuasimajut pikatasimajamminik. September 28, 2016. Itluasaivitsuanga Niufulâmi Lâpatuarimilu kajusiutjisimalauttut akilittuigiamik ilinniaviliattitaumajunut aullatitauKattasimajunut.

kenaujattigut kajusiutjisimalauttut akilegianga ilinniaviliattitaumajunut Niufulâmi Lâpatuarimilu ânnititaumajunullu. Tamanna sakKititaumajuk pitlagasuanningita ilinniaviliatitaumajut Inuit, uKumaitsagaluatlutik, uKâlautiKatlutik Kanuk pijausimanningit.

Satusaigianga akilittaunitsamik tapvainak kajusiutjaulaun gilak. Akunigiak, ilangittauk ilinniavimmisimajut ajulisimalauttut. Tusalautsimagatik ugguagutaunniik akilittaugatillu; tâvatuak, ikKsumajavut songuningit sivogajuittosimanningillu. Puigujauniangitut.

Taimaimmat ullumi, uKumaitsanikkut, sulijutsagillusi tunitjiutiKavunga ugguanimmik Inunnut sugusinit ilinniavimmetitausimajunut Niufulâmi Lâpatuarimilu. AnajukKângullunga, kiggatullugillu Inungit

Niufulâmi Lâpatuarimilu, ugguagutiKanniga tunijaga ilinnialautsimajunut pikattausimjunut ilinniavini aullatitaumatlutik, ilatsinut, ilonnainullu Inunginnut Lâpatuarimi.

Pijâgingilagut – pijâgingilagut kavamanga Newfulâmi Lâpatuarimilu tamatsuminga sakKititsinimmata nukKatitsigasuatigillu saputjinikkut sugusinit paigijaujutsausimajunik.. Takuttojajalaungilagut pigatsatinillu Kujanâtluta pijutsausimatluta kavamattut.

Kujanâttaujutsaungilak ilinniaviliattitaumalauttut pilukattausimanningit ippigijunnesimanningit, ânnititaumanningit, uKumaitsatitaumanningit Kunugijausimanningillu inunnut aulatsijinullu sulijugijausimajunut kamatsiagiamik pitsiagiammilu.

Pitsiasimangituk Inuit sugusinginnik ilanginnilu atjigetitsitsiatigatit sulijutsasiagatillu. IkKagijaulaungitut ilugguset piusituKaillu. Uppigusunnik Inuttitullu uKausituKak Kujanâttaumalauttut ikKananginitsutijautlutik. AsiujiillagisimajuKavuk pigiasinningillu uttittisivalliasuanningit uKausittuKamminik, iluggusimminik, piusittuKamminik, pikatattausimminillu atujaunnaKattasimatillugit ilangitigut InutuKammitigullu sugusiun immni ajunnalagittuk.

Sollu AnajukKâsuak Justin Trudeau uKalaummat, ugguagutiKannik nâmmalungilak. Utittitaugunnangilak sitontik asiutigunnalunnagulu ânnesimannik. Pilukattausimannik siammatitlugit ilaget nunaKatigellu attuniKatsainatuk ullu tamât.

UKausikka asigutjiniangitut uKumaitsasimannisinik ânniagutiKasimannisinillu. Tâvatuak, nigiuvinga maunga tikinniganut uKanniganillu sulijutsasianikkut ugguagutiKannimik, ikajugunnaKuk âkKivallianitsini.

Songunisi uKumaittukogunnasilu piugitsuajaga.

Uppivunga uppmijuk kavamak suliaKapviga, tukisimatsiagialivut piusigisimajangit

ilinniaviliattitaumajuit nigiuugumagutta ikajullagigiamik Lâpatuarimi Inunginnik.

UKautigijatsaumijuk mânnaluatsiak uKumaittukokatanningit Inuit piKatiKagiaKanninginni suliatigut kiggatuttaunikku solu sugusinit kamajunut, inosiligijunut itluatsaiviligijinnulu.

Tamânevunga ullumi Kaujitsiagumallusi sulitsialunga, sulitsianingalu kavamaga, ikajuinnaniattugut kavamamit kavamamut, pivalliasuamut Lâparuarimi Inungit.

Tukisitsialugit kisiani ugguagutigijavullu tammautisimajavut pivalliautitigigunnatavut asiangutigasuamut sivunitsangit sugusitta ingutattalu.

PivalliautitKagianga uKumaittuk. PivalliautitKagasuannik akuniutjausok, pitsianikkt sulijutsanikkulu.

Ullumi ikKanallagittuk pitsiagasuannik inoKatigetsianimmik – tungaviKatasiatillugu sulijutsanimmik, ikajuttigennimik, suliaKaKatigennimik sulijutsanikkulu.

Nakummek pivitsaKattisganga maungagiamut ullumi ugguagutiKanniganik kiggatutlunga Niufulâmik Lâpatuarimillu.

Nakummek



Honourable Dr. Andrew Furey
Premier of Newfoundland and Labrador

November 2023